

Тошкент ш.

" 5 " 01 2022 йил

Ушбу шартнома «TOSHSNANARNUR» ДУК, кейинги ўринларда «Фойдаланувчи» номидан раҳбари директор ўринбасари Ғулов Р.М. бир томондан ва Ўзбекистон Республикаси Ахборот технологиялари ва коммуникацияларини ривожлантириш вазирлиги ҳузуридаги «Электромагнит мослашув маркази» давлат унитар корхонаси (ЭМММ» ДУК»), Низом асосида фаолият юритувчи раҳбар Мансуров Р.П. томонидан куйидагиларга келишган ҳолда тузилди:

1. Шартнома мазмуни

1.1. Радиоэлектрон воситалардан (РЭВ) фойдаланишга муайян радиочастоталар ёки радиочастота тасмаларини тақдим этиш.

«ЭМММ» ДУК томонидан Фойдаланувчига электромагнит мослашувчанликни ҳисоблаш ва назорат қилиш, РЭВ ва радиочастоталарни рўйхатдан ўтказиш хизматларини кўрсатиш.

1.2. Чет эл алоқа маъмуриятлари билан радиочастота тақдимотларини мувофиқлаштириш тайёргарлик бўйича хизматлар, шунингдек РЭВ ва радиочастота тақдимотларини Халқаро электралоқа иттифоқида (ХЭИ) рўйхатдан ўтказиш бўйича хизматлар кўрсатиш.

1.3. «ЭМММ» ДУК томонидан Фойдаланувчига ажратилган радиочастота ресурсининг техник тайёрлигини таъминлаш ва ундан фойдаланишни назорат қилиш учун кўрсатиладиган хизматлар, шунингдек, фойдаланувчининг радиоэлектрон воситаларига халақит берадиган радиошовқинларни бартараф этиш бўйича ишларни амалга ошириш.

2. Томонларнинг мажбуриятлари

«ЭМММ» ДУК мажбуриятлари:

2.1. Амалдаги қонунчиликка мувофиқ, РЭВни харид қилиш ва ўрнатиш, лойиҳалаштириш ва қуриш, хориждан олиб кириш ва фойдаланиш учун рухсатномаларни расмийлаштиради. Лойиҳалаштириш ва қуриш, шунингдек фойдаланиш учун берилган рухсатноманинг амал қилиш муддати, Фойдаланувчига телекоммуникация соҳасида фаолият юритиши учун берилган Лицензиянинг амал қилиш муддатидан ошмаслиги зарур.

2.2. Фойдаланувчининг РЭВларини рўйхатдан ўтказиш ва шу билан боғлиқ барча керакли ишларни бажариш билан шуғулланади.

2.3. Электромагнит мослашувчанлик экспертизасини ўтказиш, зарур ҳолларда, радиоачастота тақдимотларини хорижий давлат алоқа маъмуриятлари билан мувофиқлаштириш ишларини амалга оширади.

2.4. Қонун ҳужжатларига мувофиқ, шунингдек, фойдаланувчининг ёзма сўровига биноан, фойдаланувчининг барча турдаги радиоэлектрон воситаларини ва радиоалоқа тизимларини ўрнатилган тартибда Халқаро электралоқа иттифоқида рўйхатдан ўтказиш.

2.5. Хорижий давлат алоқа маъмуриятлари билан радиочастота тақдимотларини мувофиқлаштиришда, шунингдек радиочастоталарни тайинлаш ва радиоэлектрон воситалар ва радиоалоқа тизимларини Халқаро электралоқа иттифоқида рўйхатдан ўтказиш билан боғлиқ мунозарали масалалар юзага келганда, Фойдаланувчининг қонуний ҳуқуқларини ва манфаатларини ҳимоя қилади.

2.6. Фойдаланувчининг РЭВларига бўладиган радиоҳалақитлар таъсирини белгиланган муддатда бартараф этишни таъминлайди.

2.7. Фойдаланувчининг РЭВларининг ишлаши устидан техник радионазоратни амалга оширади.

Фойдаланувчи мажбуриятлари:

2.8. РЭВни харид қилиш (олиш, бериш), лойиҳалаштириш, қуриш (ўрнатиш, реконструкция қилиш, кенгайтириш), ҳориждан олиб кириш ва РЭВдан фойдаланишда белгиланган тартибга риоя қилади.

2.9. РЭВдан фойдаланиш ҳуқуқини берувчи рухсатномаларда назарда тутилган, РЭВга тақдим этилган радиомаълумотларга асосан, амалдаги радионурланиш ва бошқа талабларга мувофиқ ишлашини таъминлаш.

2.10. Фойдаланувчига тегишли бўлган РЭВлар ва радиоалоқа тизимларининг радиоалоқа қурилмалари ва айрим операторларнинг тизимларига, шу жумладан кўшни давлатлар алоқа маъмуриятининг операторларига радиохалақитлар пайдо бўлишининг олдини олиш бўйича чоралар қўриш.

2.11. Радиоалоқадан фойдаланишнинг белгиланган қоидаларига риоя қилиш.

2.12. «ЭМММ» ДУК томонидан кўрсатилган хизматлар учун тақдим этилган ҳисоб-варақа фактурага мувофиқ ўз вақтида (10 кундан кечиктирмай) тўловларни амалга ошириш.

2.13. «ЭМММ» ДУКга ҳисоб-китобларни ўтказиш ва тегишли рухсатномаларни тақдим этиш учун зарур бўлган барча керакли ҳужжатлар ва материалларни тақдим этиш.

2.14. «ЭМММ» ДУКга Халқаро электроалоқа иттифоқида (ХЭИ) радиочастота тақдимотларини, радиоэлектрон воситалар ва радиоалоқа тизимларини рўйхатдан ўтказиш учун ариза бериш мақсадида барча керакли ҳужжатлар ва маълумотларни, шунингдек мувофиқлаштириш зоналарини аниқлаш бўйича амалга оширилган ҳисоб-китобларни тақдим этиш.

2.15. РЭВдан фойдаланиш ҳуқуқини берувчи рухсатномаларни муддатини узайтиришда, «ЭМММ» ДУКга аввалги даврдаги рухсатномаларни тақдим этиш.

2.16. Техник назорат доирасида Фойдаланувчи томонидан ишлатилаётган РЭВга «ЭМММ» ДУКнинг мансабдор шахсларини тўсиқсиз киришни таъминлаш.

2.17. РЭВ хавфсизлигини таъминлаш.

2.18. Фойдаланувчи ишлатаётган РЭВлар, телевизион ва радиоэшиттириш дастурларини қабул қилишга ва бошқа РЭВларга радиохалақит манбаи Фойдаланувчи ўзининг РЭВи бўлса, уни бартараф этишда «ЭМММ» ДУК томонидан қилинган харажатларни қоплаш.

2.19. Фойдаланувчининг РЭВ ва радиоалоқа тизимлари, хорижий давлат алоқа маъмурияти ва алоҳида радио операторлари фаолиятига халақитли таъсир ҳосил қилганда, ушбу масалаларни ҳал қилиш учун «ЭМММ» ДУК томонидан сарфланган харажатларни қоплаш.

2.20. «ЭМММ» ДУК томонидан юборилган тавсияларга (шу жумладан техник тавсияларга) амал қилиш.

2.21. Агар Лицензияловчи орган фойдаланувчига телекоммуникация соҳасидаги фаолият тури учун берилган Лицензияни тўхтатиш ёки бекор қилиш тўғрисида қарор қабул қилса, радиоэлектрон воситаларнинг ишлашини тўхтатишни таъминлаш.

2.22. Радиочастотадан фойдаланиш тўхтатилганда ёки РЭВ фаолиятига берилган лицензияни ва РЭВнинг ишлашига берилган рухсатномалар бекор қилинган тақдирда, РЭВ фаолияти тугатилгандан сўнг, 10 кун муддат ичида «ЭМММ» ДУКга РЭВни демонтаж қилинганлиги ёки сақлашга берилгани ҳақида Далолатнома нусхасини тақдим этади, ҳамда фойдаланиш учун берилган рухсатномани қайтаради.

3. Томонларнинг ҳуқуқлари

«ЭМММ» ДУК ҳуқуқлари:

3.1. Фойдаланилаётган РЭВнинг устидан техник назоратни олиб бориш.

3.2. РЭВлардан фойдаланиш тартибига риоя қилмаслик, радиоҳалақитларнинг олдини олиш бўйича чора-тадбирлар бажарилмаслиги, радиоалоқадан фойдаланиш қодалари бузилиши, ҳамда амалдаги радионурланиш параметрлари стандартларига мос келмаган ҳолларда, РЭВлардан фойдаланишни тақиқлаш.

3.3. Фойдаланувчига аниқланган қоидабузарликларни бартараф этиш бўйича кўрсатмалар бериш.

3.4. Лицензия берувчи орган Фойдаланувчига телекоммуникация соҳасидаги фаолият тури учун берган Лицензияни тўхтатиш ёки бекор қилиш тўғрисида қарор қабул қилган тақдирда, тақдим этилган радиочастота ва РЭВлардан фойдаланишга берилган рухсатномаларни тўхтатиш ёки бекор қилиш.

3.5. Қуйидаги ҳолларда РЭВлардан фойдаланишга берилган рухсатномалар бекор қилиниши мумкин:

- рухсат берилган кундан бошлаб 6 ой ичида тақдим этилган радиочастоталардан фойдаланмаслик;

- «ЭМММ» ДУК тариф тўловларини тўлаш учун, шунингдек радиочастота спектридан фойдаланганлик учун фойдаланувчида мавжуд бўлган муддати ўтган дебиторлик қарзлари мавжуд бўлса;

- Фойдаланувчи томонидан РЭВларни рўйхатдан ўтказиш ва ундан фойдаланишнинг белгиланган тартибини қўпол равишда бузган ҳолларда.

3.6. «ЭМММ» ДУК қуйидаги ҳолларда Фойдаланувчининг РЭВлардан фойдаланиш ҳуқуқини тўхтатиб туриш ёки чеклашга ҳақли:

- РЭВларни рўйхатдан ўтказиш ва уни фойдаланиш тартибини бузилишини бартараф этилгунга қадар;

- алоҳида ҳолатларда, шунингдек Радиочастоталар бўйича республика кенгаши (РЧРК) томонидан киритилган чеклов ва тақиқлар асосида алоҳида радиочастоталардан фойдаланиш зарурияти бўлса.

3.7. Фойдаланувчига қўйилган тўлов варақаси банкнинг 10 иш куни муддатида тўланмаса, инкассага акцептсиз тўлов талабномаси қўйиш ва Фойдаланувчининг ҳисоб рақамидан тўлов ундириш.

Фойдаланувчи ҳуқуқлари:

3.8. РЭВлардан фойдаланиш учун берилган рухсатнома доирасида тақдим этилган радиочастоталардан фойдаланиш.

3.9. ХЭИда радиочастоталарни рўйхатдан ўтказиш учун «ЭМММ» ДУКга маслаҳатлар ва тавсиялар учун, мурожаат қилиш.

3.10. РЭВларга таъсир қилувчи радиоҳалақитларни ўз вақтида бартараф қилиш учун «ЭМММ» ДУКга мурожаат қилиш.

3.11. Тақдим этилган радиочастоталардан воз кечиш ҳамда РЭВлардан фойдаланишни тўхтатиш.

4. Кўрсатилган хизматлар учун тўлов ва ҳисоб-китоб тартиби

4.1. Ушбу шартнома бўйича барча «ЭМММ» ДУК хизматларининг нархи (частоталарни тақдим этиш ва РЭВга рухсатнома бериш учун тўлов, эълон қилинган радиочастоталарни хорижий давлат алоқа маъмуриятлари билан мувофиқлаштириш ва ХЭИда радиочастоталарни рўйхатдан ўтказиш учун хизматларнинг нархи, радиочастоталардан фойдаланиш учун тўлов ва бошқалар) тақдим этилган ҳисобварақ-фактураларга асосан белгиланади.

Ушбу шартнома бўйича 01.01.2022- 31.12.2022 йил давомида кўрсатиладиган хизматлар қиймати 1983516 сўмни ташкил қилади.

4.2. Шартномада кўрсатилган хизматлар учун «ЭМММ» ДУК ва Фойдаланувчи ўртасида ҳисоб-китоб, Электромагнит мослашув экспертизаси, радиоэлектрон воситалар ва юқори частотали қурилмаларни рўйхатдан ўтказиш ва улардан фойдаланиш бўйича хизматлар тарифларига мувофиқ амалга оширилади (Тарифлар).

4.3. Бир маротабалик тўланадиган тўловлар тарифларга мувофиқ тўғридан-тўғри тегишли рухсатнома (олиб кириш, харид қилиш, ўрнатиш, лойихалаштириш, қуриш, фойдаланиш ва бошқаларга) берилишидан олдин амалга оширилади.

4.4. Фойдаланиш учун тўловлар РЭВлардан фойдаланиш ҳуқуқини берувчи рухсатномалар берилишидан олдин фойдаланишнинг биринчи оyi учун тўланади ва кейинчалик ҳар ойнинг 10 санасигача жорий ой учун йиллик миқдорнинг мутаносиб қисмида тўланади.

4.5. Фойдаланувчи фойдаланиш тўловининг йиллик миқдорини бирдан тўлашга ҳақлидир.

4.6. Тарифлар ўзгарган тақдирда, Фойдаланувчи янги тарифлар жорий қилинган даврдан бошлаб қўшимча тўлов тўлайди.

4.7. Фойдаланувчи берилган ҳисобварақ-фактура олган кундан бошлаб банкнинг 10 иш куни ичида тўлаши керак.

4.8 Тарифларда кўзда тутилмаган иш ва хизматларнинг нархи томонлар ўртасида келишилган нархлар ва харажатлар сметаси асосида тўланади.

4.9 Фойдаланувчи мазкур шартномани Ғазначиликда рўйхатга олинган кундан бошлаб, 10 банк иш куни ичида шартномада кўрсатилган тўлов қийматини 30% миқдорида аванс тўловини амалга оширади. Қолган 70% ни фойдаланувчи ҳисоб-фактура ва бажарилган иш далолатномасини олгандан сўнг 10 банк иш куни ичида тўлайди

5. Томонларнинг масъулиятлари

5.1. Ушбу битим бўйича мажбуриятларни бажармаганлик ёки лозим даражада бажармаганлик учун томонлар Ўзбекистон Республикасининг Фуқаролик Кодекси, "Хўжалик юритувчи субъектлар фаолиятининг шартномавий-ҳуқуқий асослари тўғрисида" ги Ўзбекистон Республикасининг 1998 йил 29 августдаги Қонуни ва бошқа қонун ҳужжатларига мувофиқ жавобгар бўлади.

«ЭМММ» ДУКнинг масъулиятлари:

5.2. Тегишли рухсатномалар бериш ва радиохалақитларни бартараф этиш тўғрисидаги аризаларни кўриб чиқишнинг амалдаги меъёрий ҳужжатларида белгиланган муддатларга риоя қилиш.

5.3. Ушбу шартномага асосан ишлар ва хизматларнинг ўз вақтида ёки нотўғри бажарилгани учун, «ЭМММ» ДУК фойдаланувчига ҳар бир кечиктирилган кун учун мажбуриятнинг бажарилмаган қисми қийматининг 0,5 фоизи миқдорида жарима тўлайди, лекин бу қиймат хизматлар нархининг 50 фоизидан ошмаслиги керак.

5.4. Фойдаланувчининг тижорат сирларини ошкор қилмаслик.

5.5. Радиочастоталарни нотўғри белгилаш натижасида радиохалақитлар вужудга келса, «ЭМММ» ДУК фойдаланувчи билан келишган ҳолда, танланган бошқа радиочастоталарни тўловсиз тақдим этади.

Фойдаланувчининг масъулиятлари:

5.6. «ЭМММ» ДУК томонидан кўрсатилган хизматлари ва амалга оширилган ишлари учун тақдим этилган ҳисобварақ-фактураларини ўз вақтида тўлаш.

5.7. «ЭМММ» ДУКга тақдим этилган РЭВлар сони, уларнинг техник хусусиятлари, ўрнатиш манзили, қуввати, шунингдек ХЭИда рўйхатдан ўтказиш учун радиочастота тақдимоти ва электромагнит мослашувчанлик ҳисоб-китоблари учун зарур бўлган бошқа маълумотлар ишончлилиги учун.

5.8. Фойдаланувчи айби билан бошқа фойдаланувчилар РЭВларида радиохалақитлар вужудга келса, радиохалақитни бартараф этиш бўйича «ЭМММ» ДУК харажатларини қоплаш.

5.9. Фойдаланувчининг мансабдор шахслари чет элдан харид қилиш (бериш), қуриш (ўрнатиш), олиб кириш шунингдек РЭВларни рўйхатдан ўтказиш ва фойдаланишнинг белгиланган тартибини ва "Радиоалоқадан фойдаланиш қоидаларини"

(21.02.2006 й. 1547-сон билан Адлия Вазирлигидан рўйхатдан ўтказилган) қонунларини бузганлик учун жавобгардирлар.

5.10. Тўлов талабини қабул қилишдан асоссиз равишда тўлиқ ёки қисман рад этиш, шунингдек хизматлар учун тўловни тўлашдан бўйин товлаш учун Фойдаланувчи «ЭМММ» ДУКга тўлашдан қочган сумманинг 15 фоизи миқдорида жарима тўлайди.

5.11. «ЭМММ» ДУК томонидан амалга оширилган хизматлар ва ишлар учун тақдим этилган ҳисобварақ-фактураларни ўз вақтида тўламаганлиги учун, фойдаланувчи ҳар бир кечиктирилган кун учун муддати ўтган тўлов миқдорининг 0,5 фоизини тўлайди, лекин бу тўлов муддати ўтган тўлов миқдорининг 50 фоизидан кўп бўлмаслиги лозим.

6. Фавқулодда вазият

6.1. Иккала томон ҳам ушбу шартнома бўйича мажбуриятларни қисман ёки тўлиқ бажармаганлиги учун жавобгарликдан озод қилинади, агар бу ҳол шартнома тузилгандан кейин пайдо бўлган фавқулодда ҳодисалар натижасида юзага келиши кутилмаган ва олди олинмайдиган фавқулодда ҳодисалар натижасида содир бўлган бўлса, яъни уруш ёки ҳарбий ҳаракатлар, террористик ҳаракатлар, zilzilалар, тошқинлар, ёнғинлар, эпидемиялар, эпизоотия, давлат ҳокимияти органларининг қарорлари, қонунчиликдаги ўзгаришлар (форс-мажор).

6.2. Форс-мажор ҳолатлари юзага келган томон, кўрсатилган ҳолатлар юзага келган пайтдан бошлаб 10 кун ичида бошқа томонга хабар бериши ва ушбу ҳолатларни тасдиқловчи ёзма ёки бошқа далилларни тақдим этиши лозим.

7. Коррупцияга қарши курашиш шартлари

7.1. Томонлар, уларнинг ҳар бири порахўрлик ва коррупцияга умуман тоқат қилмаслик сиёсатини олиб боришини тан оладилар ва тасдиқлайдилар, бу коррупция ва кўмак бериш учун тўлашнинг тўлиқ тақиқланишини назарда тутаяди, уларнинг мақсади расмийликка кўмаклашишдир. Томонлар ўз фаолиятида амалдаги қонунлар ва унинг асосида пора бериш ва пора билан курашишга қаратилган ишлаб чиқилган сиёсат ва процедураларни бошқаради.

7.2. Томонлар на улар ва на уларнинг ишчилари томонларнинг бирон бир шахсига коррупцион тўловларни тақдим этишни таклиф қилмасликлари, тақдим этишлари ёки уларга розилик беришлари шунингдек тарафларнинг тўғридан-тўғри ёки билвосита бирон бир шахсдан ҳар қандай коррупция тўловлари олиш, қабул қилиш ёки қабул қилишга рози бўлмасликларига кафолат беришади.

7.3. Агар Томонлардан бири 7.1 ва 7.2-бандларнинг бирон бир қоидалари бузилиши содир бўлган ёки юзага келиши мумкин деб тахмин қилса, тегишли Томон расмий Тармоқ каналлари орқали бошқа Томонни ёзма равишда хабардор қилишга мажбурдир. Ёзма хабарномада Томон ушбу Шартноманинг 7.1 ва 7.2-бандларининг ҳар қандай қоидалари бузилганлиги ёки содир бўлиши мумкинлиги тўғрисида тасдиқловчи ёки асос бериш учун далилларга мувожаат қилиши ёки материалларни тақдим қилиши шарт.

8. Бошқа шартлар

8.1. Ушбу шартноманинг бекор қилиниши Фойдаланувчига берилган рухсатномаларнинг бекор қилинишига олиб келади ва тақдим этилган радиочастоталар бошқа фойдаланувчиларга бириктирилиши мумкин.

8.2. Фойдаланувчининг баланси (ижара)даги РЭВлар рўйхати шартномага илова тариқасида берилиши шарт ва уни амалга оширилиш жараёнида томонлар рўйхатга аниқликлар киритишлари мумкин.

8.3. Шартномага ўзгартиришлар ва қўшимчалар амалдаги қонунчиликдаги ўзгаришларга мувофиқ ёки томонларнинг келишувига биноан амалга оширилади.

9. Шартноманинг амал қилиш муддати

9.1. Шартноманинг муддати рухсатномаларнинг амал қилиш муддати билан белгиланади, аммо у фойдаланувчига телекоммуникация соҳасидаги фаолият тури учун берилган Лицензиянинг амал қилиш муддатидан узокроқ бўлиши мумкин эмас.

9.2. РЭВлардан фойдаланиш учун рухсатномаларнинг муддатини узайтирганда, шартноманинг муддати кейинги амал қилиш даврига узайтирилган деб ҳисобланади.

9.3 Ушбу шартнома қуйидаги ҳолларда автоматик равишда бекор қилинади:

- РЭВлар ишини тўлиқ тугатиш ва Фойдаланувчининг тақдим этилган радиочастоталардан бош тортиши;

- РЭВлардан фойдаланиш учун берилган рухсатномаларни бекор қилиниши;

- телекоммуникация соҳасидаги фаолият тури учун Фойдаланувчига берилган лицензиянинг тўхтатилиши ёки бекор қилиниши.

9.4. Томонларнинг бири шартнома талабларини бузиши оқибатида бошқа томон ташаббуси билан шартнома фаолияти тўхтатилиши мумкин. Шартноманинг тўхтатилиши тўғрисида бир томон, шартнома тўхтатилиши муддатидан бир ой олдин ёзма ҳолда иккинчи томонни огоҳлантиради.

Отв. лица	Подпись
Исполнитель	Самуилова А.Р.
Нач. ПЗО	Мамаева С.А.
Глав. бухгалтер	Самуилова А.Р.
Нач. ОТА	Самуилова А.Р.
Секретарь	Самуилова А.Р.

«СОТ»

Бирюкова Ирина Владимировна
Лицензия TN № 000796

Фойдаланувчи

«ЭМММ» ДУК

100105, Тошкент шаҳри, Фарғона Йўли 15

Ҳисоб рақам 20210000500155263001

АК "Алоқабанк"нинг Тошкент шаҳридаги

Миробод филиали

МФО 00401 СТИР 201057444

ОКЭД 61900

Тел/Факс: 71 230-61-12

GUP TOSHSANARNUR
ADRES UL KUMARIQ 3
L/S 100021860262837064100110001
INN 202468390 OKED 84120
MOLIYA VAZIRLIGI GAZNACHILIGI
KAZI CHIS 33402000300100001010
MARKAZIY BANK XKKM TOSHKENT SH
MED 00814 INN 201122919

Р.П. Мансуров

Хуқуқий хулоса

1. Ушбу битим иқтисодий муносабатларни Ўзбекистон Республикаси Фуқаролик Кодексининг II қисми 38-боби ва Ўзбекистон Республикасининг 08.29.98 йилдаги "Хўжалик юритувчи субъектлар фаолиятининг шартномавий-ҳуқуқий, базаси тўғрисида" ги қонунда белгиланган нормаларига мувофиқ тартибга солинади.

2. Ушбу шартноманинг шартлари Ўзбекистон Республикасининг "Радиочастота спектри тўғрисида"ги, "Телекоммуникациялар тўғрисида"ги қонунлар ва бошқа норматив ҳужжатлар талабларига жавоб беради.

3. Шартнома бўйича жавобгарлик чоралари ва низоларни ҳал қилиш тартиби қонун талабларида белгиланган нормаларга асосан амалга оширилади.

"Хўжалик юритувчи субъектлар фаолиятининг шартномавий-ҳуқуқий, базаси тўғрисида" ги Ўзбекистон Республикаси Қонунининг 21-моддаси асосида амалга оширилган юридик экспертизани ўтказгандан сўнг, қуйидагича хулоса қиламан: "Ушбу битим хўжалик шартномаси сифатида ишлатилиши мумкин".

Бош юрисконсулт

У.Сангиров